

PARLIMEN MALAYSIA  
PEMBERITAHU PERTANYAAN DEWAN RAKYAT

**PERTANYAAN** : Lisan

**DARIPADA** : Datuk Raime bin Unggi [Tenom]

**TARIKH** : 24 Mei 2016 (Selasa)

**SOALAN** : Datuk Raime bin Unggi minta **MENTERI PERTANIAN DAN INDUSTRI ASAS TANI** menyatakan langkah-langkah Kementerian untuk mentransformasikan sektor pertanian supaya menjadi sektor yang moden, dinamik dan kompetitif.

**JAWAPAN**

**Tuan Yang Dipertua,**

Dasar Agromakanan Negara (DAN), 2011 – 2020 telah menggariskan langkah-langkah untuk mentransformasikan sektor pertanian supaya menjadi sektor yang moden, dinamik dan kompetitif. Dasar ini digubal selaras dengan Program Transformasi Kerajaan, Model Baru Ekonomi dan Program Transformasi Ekonomi untuk menjadikan Malaysia sebuah negara maju yang berpendapatan tinggi.

Antara langkah yang telah dan akan dilaksanakan untuk mentransformasikan sektor pertanian khususnya sektor agromakanan adalah seperti berikut:

- i. Pembangunan pertanian bernilai tinggi di mana tumpuan diberi kepada pembangunan industri sarang burung walit, penternakan lembu dan kambing, akuakultur, rumpai laut, ikan hiasan, herba dan rempah ratus, buah-buahan dan sayur-sayuran premium, cendawan serta florikultur;

- ii. Pembangunan pertanian mampan yang menekankan penggunaan dan pengurusan sumber semula jadi seperti tanah dan air secara mampan dalam aktiviti pengeluaran makanan bagi memastikan pengeluaran secara optimum dan berterusan. Selain itu, amalan pertanian juga perlu mengambil kira penggunaan input pertanian secara cekap dan tepat mengikut keperluan serta mesra alam;
- iii. Pembangunan kluster pertanian dinamik dan memaksimumkan penjanaan pendapatan golongan sasar. Ini adalah bagi merapatkan jurang yang wujud dalam rantaian nilai sedia ada dan meningkatkan kecekapan rantaian nilai industri agromakanan;
- iv. Pelaburan swasta sebagai pemangkin transformasi pertanian moden bagi tujuan menggalakkan pertanian yang berskala besar dan berteknologi tinggi dengan pengurusan agronomi terbaik;
- v. Pembangunan modal insan bestari dan berinformasi selaras dengan dasar pengurangan tenaga kerja asing dan menggalakkan aktiviti pengeluaran makanan berintensifkan teknologi dan inovasi; dan
- vi. Pemodenan pertanian berpacuan R&D, teknologi dan inovasi terutama di kawasan pertanian berskala besar akan diperluas bagi memodenkan industri agromakanan.

Namun demikian, Kerajaan sedar masih banyak lagi tindakan-tindakan yang perlu dilaksanakan dan akan terus komited bagi memastikan sektor pertanian supaya menjadi sektor yang moden, dinamik dan kompetitif.